

1597-8. ԹՎ. ՌԻՉ. Թագաւորն Չիկմունդ էլլի Ղրկեց ի Թուրքի խոն-
տիքարն՝ զոմն իշխան, որ կոչի Կուլաքիյ, որ էր Պարին (Bar ի Մայելիւ)
սղարոտդայ. զոր և զնաց մեծ փարթամութեամբ. և ընդ նմա բազում իշ-
խանաց որդիք վաճառականք, զոր ոմանք առէին եթէ 80 արապայ էր, զա-
մէն կարմիր չուխայով ծածկած. և անցին զնացին քաղքիս զոլով? և մտան
ի Օլախաց երկիր, և զնացին ի Սեչով, ուր Օլախաց պարոն էր Երեմիայն:
Եւ իբրեւ հանդիպեցաւ՝ մեծաւ սիրով ընկալաւ զնա և յոյժ պատուեաց զնա
մեծամեծ պարգեւօք և տրօք. և ոչ եթող զնալ մինչեւ շաբաթ մի. զոր ու-
րախացեալք ի միասին ուտելով և ըմպելով, և ազգի ազգի երգովք և թըմպ-
կովք և նուազարանօք. և ապա արձակեաց. որ և զնաց: Եւ հրամայեաց
պարոն Երեմիայ որ ամէն օր հինգական եալովիցայ և երեսնական ոչխար
տան, մինչեւ ի Տունան (Գանուբ): Այսքան է առ այս:

1598-9. ԹՎ. ՌԻՇ. Թագաւորին Չիկմունդին Թագուհին վաղճանեցաւ
ի վերայ տղին ծնանելն. եօթն ամ եկաց ի հեա Թագաւորին իւրոյ: Աս-
տուած ողորմի իւր հոգուն:

1598-9. ԹՎ. ՌԻՇ. Մեծ գետյարուց եղաւ և բազում վնաս արաւ և
շատ պակասութիւն. զլրաղաքներն աւերեց, զի հաց անկամ ոչ գտանէին
և վաճառականք. նա և զքաղքին դրունան կոտորեց և զմարդիկ ընկղմեց.
զոր ոմանք ասացին, եթէ բազում անկամ մեծ գետյարուցներ տեսել եմք,
բայց այսպէս մեծ և անհուն չէաք տեսեալ: Բայց այս ամենայն եղեւ վասն
մեղաց մերոց. զի ժամանակ դառնացեալ է, և մարդիքն դժարացեալ են և
զԱստուած մոռացել են, և յագահութիւն անկել են, և արծաթսիրութիւնք
զիրեանք պատել են. և յամենայն ինչ մէկ քին (զին) հինգ վեց քին եղել
է, եթէ հաց և եթէ միս, եթէ ըմպելի և ամենայն ցեղ կերակուր. մէկ շարեկ
միս՝ եթէ եզի և եթէ կովու՝ չորս մաճրի եղել է, զոր յառաջ 20 սպիտակ
կ'առնուաք ու թանկ կու հաշուէաք. և մէկ ոչխարի շարեկ՝ 15 սպիտակ ե-
ղել է, զոր յառաջ 3 սպիտակ էր: Բայց այս եղեւ անիրաւ մարդկանէ, որ
զԱստուած մոռացել են և զհոգիս իւրեանց արհամարհել են, և զԱստուծոյ
տուրքն ոչ ինչ համարել են:

1598-9. ԹՎ. ՌԻՇ. Եկաւ Տէր Մեքիսեդ կաթողիկոս ի նուիրակու-
թիւն, և ունէր ընդ իւր երեք եպիսկոպոսք և մէկ արեղա. և կացին ի Կա-
մենից ոչինչ բազում ժամանակ, և զնացին իլով. և բազում ինչ ժողովե-
ցին, և ելին զնացին: Այսքան առ այս:

1600-1. ԹՎ. ՌԻԹ. Մինդանի պարոն որ կոչի Միհալ, ի հեա Օլախի
պարոնին Երեմիային թշնամիք եղեն, և զօրօք բազմօք եկն ի վերայ Օլախի
պարոնին. և զերկիրն ընդ ձեռամբ իւրով էառ, և բազում վնաս արար, և
զՕլախի պարոն փախստական արար. և նա եկեալ իլախի պարոնաց, այս-
ինքն Վլայոտային՝ որ կոչի Կուլաքիյ, որ նմա օգնական լինի և կուր տայ